

卷十一

陽明先生文錄卷之一

書一

始正德己巳至庚辰

與辰中諸生 己巳

謫居兩年無可與語者歸途乃得諸友何幸何幸
 以為喜又遽爾別去極快快也絕學之餘求道者少
 一齊來楚最易搆奪自非豪傑鮮有卓然不變者謹
 友○字○砥○礪○夾○持○務○期○有○成○近○世○士○夫○亦○有○稍○知○求
 道者因實德未成而先揭標榜以來世俗之謗是
 以○此○輩○墮○無○立○反○為○斯○道○之○梗○諸○友○宜○以○是○為○鑒
 務於切已處着實用力前在寺中所云靜

書名 陽明先生文錄十七卷 嘉靖二十六年
 張良才重校刊本
 撰者 明 王守仁 撰
 卷 卷十一
 內容分類 集-別集-明中葉
 索書號 集部-別集-7-28-1
 編號 D7431500

彩色首頁1

東洋文化研究所漢籍目錄 編號: D7431500

東洋文化研究所漢籍目錄所藏漢籍善本文影像資料庫 索書號: 集部-別集-7-28-1

漢籍善本文影像資料庫文本 陽明先生文錄十七卷 嘉靖二十六年張良才重校刊本

版權所有: 東京大學 東洋文化研究所


使用上的注意事項

所究研京東院學化文方東

No. 3189 八




王陽明先生年譜卷之十二



王陽明先生文錄 十一十二

所究研京東院學化文方東
No. 3183

賦詩



陽明先生文錄卷之十一

賦騷六首

大白樓賦

丙辰

歲丙辰之孟冬兮，泛扁舟于南征。凌濟川之驚濤兮，覽層構乎任城。曰木由之以居兮，儼高風之猶在。攀侯導余以從陟兮，將放觀乎四海。木蕭蕭而亂下兮，江浩浩而無窮。鯨敖敖而湧海兮，鵬翼翼而承風。月生輝於采石兮，日留景於嶽峯。蔽長煙乎天姥兮，渺匡廬之雲松。慨昔人之安在兮，吾將上下求索而不。可蹇予雖非由之儔兮，過季真之知我。羗後人之視

今号又烏知其不果吁嗟木由小奚為其居此号余
奚為其復來倚穹霄以流盼号固千載之一哀昔夏
桀之顛覆号丹退乎華之野成湯之立賢号迺登庸
而伐夏謂鼎俎其要說号維黨人之擠詬曾聖哲之
匡時号夫焉前枉而直後當天寶之末代号淫好色
以信讒惡來妹喜其猖獗号眾皆狐媚以會稔判獨
毅而不顧号爰命夫以僕妾之役寧直死以顛頌号
夫焉患得而局促開苑之紹基号亦遑遑其求理生
逢時以就列号固雲臺麒麟閣而容與夫何漂泊于天
之涯号登斯樓乎延佇信流俗之嫉妬号自前世而

固然懷夫子之故都号沛余涕之潏潏廟堂之偃蹇
号或非情之所好惟不合於斯世号恣沉酣而遠眺
進吾不遇於武丁号退吾將殫氏之簞瓢奚麴蘖其
昏迷号亦夫子之所逃管仲之輔紂号孔聖與其改
行佐璘而失節号始以見道之未明覩夜郎之有作
号橫逸氣以徘徊亦初心之無他号故準悔而弗摧
吁嗟其誰無過号抗直氣之為難輕萬乘於榻夫号
固孟軻之所嘆曠絕代而相感号望天宇之漫漫去
夫子其千祀号世益隘以周容棘婦妾以馳驚号又
從而為之吮癰賢者化而改度号寔規曲以為同嶧

山青兮河流瀉風颭颭兮澹平野凭高樓子不見舟
楫紛兮樓之下舟之人兮儼服亦有庶幾夫子之蹤
者

九華山賦

王成

循長江而南下指青陽以幽討啓鴻濛之神秀發九
華之天巧非效靈於坤軸孰構奇於玄造涉五溪而
徑入宿無相之窈窕訪王生於邃谷掬金沙之清潦
凌風雨乎半霄登望江而遠眺步千仞之蒼壁俯龍
池於深窅吊謫仙之遺跡躋化城之縹緲飲鉢盂之
朝露氣蓮花之孤標扣雲門而望天柱列仙舞於晴

昊儼雙椒之闢門真人駕陽雲而獨躋翠蓋平臨乎
石照綺霞掩映乎天姥二神升於翠微九子隣於積
稻炎燄起於玉甌爛石碑之文藻田澄秋於枕月建
少微之星旄覆甌承滴翠之餘瀝展旗立雲外之旌
纛下安禪而步逍遙覽雙泉於松杪踰西洪而憩黃
石懸百丈之瀨灑瀨流觴而縈紆遺石船於澗道呼
白鶴於雲峯釣嘉魚於龍沼倚透碧之峴岬謝塵寰
之紛擾攀齊雲之巉峭鑑琉璃之浩漾沿東陽而西
歷殮九節之蒲草樵人導余以真探排碧雲之瑤島
群巒翳其繆藹失陰陽之昏曉垂七布之沉沉靈龜

隱而復佻、履高僧而屨招賢、開白日之杲杲、試胡茗於春陽、汲垂雲之淵湫、凌繡壁而據石屋、何文殊螺髻之蟠紆、梯拱辰而北眈、隳遺光於拾寶、緇棠迓於黃袍、休圓寂之幽俏、烏呼春於叢篁、和雲韶之嚶嚶、喚起促余之晨興、落星河於簷檣、護山嘎其驚飛、恠遊人之太早、攬卉木之如濯、被晨暉而爭姣、靜鏡聲之剝啄、幽人劇參、蔽於冥杳、碧雞噉於青林、鳴翻雲而失皓、隱搗藥於樛蘿、挾提壺、餠焦而翔繞、鳳凰承盃冠以相遺、飲沆瀣之仙醪、羞竹實以嬉、翽集梧枝之媚媚、嵐欲銷而霏霏、瀼瀼於豐葆、躑躅三遊而宣

銷亦作雨

大一本作天

青峭拂天香、於茫渺、席泓潭、以濯纓、浮挑瀉而湯瀉、淙淙澌而落陰、飲猿猱之捷狻、睨斧柯而昇大還、望會仙於雲表、憫子束之故宅、款知微之碧桃、倏金光之閃映、睫素景於穹幻、弄玄珠於赤水、舞千尺之潛蛟、並花塘而峻極、散香林之迴飈、撫浮屠之突兀、泛五釵之翠濤、襲玳芳於絕巘、裊金步之搖搖、搴莎羅躑躅、芬敷而燦耀、幢玉女之妖嬌、牽龍鬚於靈寶、墮鉢囊之飄飄、開仙掌於欽嵌、散青馨之迢迢、披白雲而蹠崇壽、見參錯之僧寮、日既夕而山冥、掛星辰於隆菽、宿南臺之明月、虎夜嘯而羆鳴、鹿麋群遊於左右

若將侶幽人之岑寥迥高寒其無寐聞水壑之洞簫
溪女厲晴瀧而曝木雜精苓之春苗邀予觴以玉液
飯玉粒之瓊瑩盍辭奈而遠去颯霞裾之飄飄復中
峯而悵望或仙蹤之可招迺下見陽陵之蛇虺忽有
感於于明之宿要逝予將遺世而獨立採石芝於層
霄雖長處於窮僻迺未離乎厖叢彼蒼黎之緝緝固
吾生之同胞苟顛連之能濟吾豈靳於一毛矧狂胡
之越獺王師局而奔勞吾寧不欲請長纓於關下快
平生之鬱陶顧力微而任重懼覆敗於或遭又出位
以圖遠將無諂於鷓鷯嗟有生之迫隘等滅沒於風
泐亦富貴其奚爲猶榮瘁之一朝曠百世而興感
雄傑於蓬蒿吾誠不能同草木而腐朽又何避乎辟
喙之嗷嗷已夫乎吾其鞭風霆而騎日月被九霞之
翠袍搏鵬翼於北溟釣三山之巨鰲道崑崙而息駕
聽玉冊之雲璈呼滄血於子晉拾句曲之三茅長遨
遊於碧落共太虛而逍遙亂曰蓬壺之藐藐兮列仙
之所逃兮九華之矯矯兮吾將於此巢兮匪塵心之
足攬兮念鞠育之劬勞兮苟初心之可紹兮未矢弗
撓兮

吊屈平賦

正德丙寅某以罪謫貴陽取道沅湘感屈原
之事爲六而吊之其詞曰

山黯慘兮江夜波風颭颭兮木落森柯沈中流兮焉
汨湛椒醑兮吊湘纍雲冥冥兮月星蔽晦冰峻嶒兮
霰又下纍之宮兮安在悵無見兮愁一高岸兮嶮崎
紛糾錯兮樛枝下深淵兮不測穴瀕洞兮蛟螭山岑
兮無極空谷冷砒兮迥參寂猿啾啾兮吟雨熊羆嗥
兮虎交蹟念纍之窮兮焉托處四山無人兮駭狐鼠
魑魅遊兮群跳嘯蹶出入兮爲纍茲尤嫉纍正直兮
反詆爲殃昵比上官兮子蘭爲賊幽叢薄兮疇侶懷

故都兮增傷望九疑兮參差就重華兮陳辭沮積雪
兮礪道絕洞庭渺邈兮天路迷要彭咸兮江潭召申
屠兮使騶娥鼓瑟兮非夷舞聊邀遊兮湘之浦乘回
波兮泊蘭渚捲故都兮獨延佇君不還兮郢爲墟心
壹鬱兮欲誰語郢爲墟兮函嶠亦焚讒鬼逋戮兮快
不酬冤歷千載兮耿忠愷君可復兮排帝閭望遁跡
兮渭陽箕羅囚兮其佯以狂艱貞兮晦明懷若人兮
將予垂藏宗國淪兮摧肺腑忠憤激兮中道難勉低
回兮不忍溘自沉兮心所安雄之謏兮讒喙衆狂穉
兮謂累揚已爲鼎爲鼎兮爲讒勝妾纍視若鼠兮佞

亂蓋辭
之謬
北學

穎有泚、纒忽、舉兮雲中、龍旂掩霽兮颶風橫四海兮
倏忽馳玉虬兮上衝降望兮大壑山川蕭條兮濟寥
廓逝遠去兮無窮懷故都兮倦局亂曰日西夕兮沅
湘流楚山嵯峨兮無冬秋曩不見兮涕泗世愈隘兮
孰知我憂

思歸軒賦

庚辰

陽明子之官于虔也、廨之後喬木蔚然、退食而望若
處深麓而遊於其鄉之園也、搆軒其下、而名之曰思
歸焉、門人相謂曰、歸乎夫子之役役於兵革而沒沒
於微纒也、而靡寒暑焉、而靡昏朝焉、而髮蕭蕭焉、而

危焦焦焉、雖其心之固囂囂也、而不免於嗷嗷焉、噉
噉焉、亦奚爲乎、稿中竭外、而徒以勞勞焉、爲乎哉、且
長谷之迢迢也、窮林之寥寥也、而耕焉而樵焉、亦焉
往而弗宜矣、夫退身以全節、大知也、歛德以亨道、大
時也、怡神養性、以遊於造物大熙也、又夫子之夙期
也、而今日之歸、又奚以思爲乎哉、則又相謂曰、夫子
之思歸也、其亦在陳之懷歟、吾黨之小子、其狂其簡
矣、依然若誓之無與偕也、非吾夫子之歸、孰從而裁
之乎、則又相謂曰、嗟乎、夫子而得其歸也、斯土之人
爲失其歸矣乎、天下之大也、而皆若是焉、其誰與爲

理乎雖然夫子而得其歸也而後得於道惟夫天下
之不得於道也故若是其貿貿夫道得而志全志全
而化理化理而人安則夫斯人之徒亦未始爲不得
其歸也而今日之歸又奚疑乎而奚以思爲乎陽明
子聞之憮然而嘆曰吾思乎吾思乎吾親老矣而暇
以他爲乎雖然之言也其始也吾私焉其次也吾資
焉又其次也吾幾焉乃援琴而歌之歌曰歸兮歸兮
又奚疑兮吾行日非兮吾親日衰兮胡不然兮日思
予旋兮後悔可遷兮歸兮歸兮二三子之言兮

咎言

丙寅

正德丙寅冬十一月守任以罪下錦衣獄省
愆內訟時有所述既出而錄之

何玄夜之漫漫兮情予懷之獨結嚴霜下而增寒兮
皦明月之在隙風唼唼以憎木兮鳥驚呼而未息魂
營營以愴恍兮目窅窅其焉極慄寒飈之中人兮杳
不知其所自夜展轉而九起兮沾予襟之如泗胡定
省之弗遑兮豈茶甘之如薺懷前哲之耿光兮耻周
容以爲比何天高之冥冥兮孰察予之衷予匪戚於
累囚兮措匪予之爲恫沛洪波之浩浩兮造雲阪之
濛濛稅予駕其安止兮終予去此其焉從孰瘳瘳之

予不作為

在頸兮謂予足之何傷熏目而弗顧兮惟盲者以為
常孔訓之服膺兮惡訐以為直辭婉變期巷遇兮豈
予言之未力皇天之無私兮鑒予情之靡他寧保身
之弗知兮膺斧鑕之謂何家出位之為愆兮信愚忠
而蹈亟苟 聖明之有裨兮雖九死其焉恤亂曰予
年將中歲月適兮深谷崆峒逝息遊兮飄然凌風八
極周兮孰樂之同不均憂兮匪修名崇仁之求兮出
處時從天命何憂兮

亂字蓋
靜字之誤

祈雨辭

正德丙子
南贛作

嗚呼十日不雨兮田且無禾一月不雨兮川且無波

一月不雨兮民已為疴再月不雨兮民將奈何小民
無罪兮天無咎民撫巡失職兮罪在予臣嗚呼盜賊
兮為民大屯天或罪此兮赫威降嘖民則何罪兮玉
石俱焚嗚呼民則何罪兮天何遽怒油然興雲兮雨
茲下土彼罪曷逋兮哀此窮苦

歸越詩三十六首

弘治壬戌年以刑部
主事告病歸越作

遊牛峯寺四首

牛峯寺名
浮峯

洞門春靄閉深松飛磴纏空轉石峯盧虎踞厓如出
柙斷螭蟠頂訝懸鐘金城終闕應無處翠壁丹書尚
有踪天下名區皆一到此山殊不厭來重

紫紆鳥道入雲松下數湖南百一峯巖大吠人時出
樹山僧迎客自鳴鐘凌飈陟險真扶病異日探竒是
舊踪欲扣靈闕問丹訣春風蘿薜隔重重
偶尋春寺入層峯曾到渾疑入夢中飛鳥去邊懸棧
道馮夷宿處有幽宮溪雲晚度千巖雨海月涼飄萬
里風夜擁蒼厓卧丹洞山中亦自有王公
一卧禪房隔歲心五峯煙月聽猿吟飛湍映樹懸蒼
玉香粉吹松落細金翠壁年多霜蘚合石牀春盡雨
花深勝遊過眼俱陳迹珎重新題滿竹林

又四絕句

翠壁看無厭山池坐益清深林落輕葉不道是秋聲

其二

惟石有千窟老松多半枝清風灑巖洞是我再來時

其三

人間酷暑避不得清風都在深山中池邊一坐即三
日忽見巖頭碧樹紅

其四

兩到浮峯輿轉劇醉眠三日不知還眼前風景色
異惟有人聲似世間

姑蘇吳氏海天樓次鄺尹韻

晴雪吹寒春事濃江樓三月尚殘冬青山暗逐回廊
轉碧海真成捷徑通風暖簷牙雙燕劇雲深簾幙萬
花重倚闌天北疑回首想像丹梯下六龍

山中立秋日偶書

風吹蟬聲亂林卧驚新秋山池靜澄碧暑氣亦已收
青峯出白雲突兀成瓊樓袒裼坐溪石對之心悠悠
倏忽無定態變化不可求浩然發長嘯忽起雙白鷗

夜雨山翁家偶書

山空秋夜靜月明松檜涼沿溪步月色溪影搖空裳
山翁隔水語酒熟呼我嘗褰衣涉溪去笑引開竹房

謙言值暮夜盤食百無將露華明橘柚摘獻冰盤香
洗盃對酬酢浩歌入蒼茫醉拂巖石卧言歸遂相忘

尋春

十里湖光放小舟謾尋春事及西疇江鷗意到忽飛
去野老情深只自留薄暮草香含雨氣九峯晴色散
溪流吾儕是處皆行樂何必蘭亭說舊遊

西湖醉中謾書二首

十年塵海勞魂夢此日重來眼倍清好景恨無蘇老
筆乞歸徒有賀公情白鳥飛處青林晚翠壁明邊反
照晴爛醉湖雲宿湖寺不知山月墮江城

掩映紅粧莫謾猜
隔林知是藕花開
共君醉卧不須
到自有香風拂面來

九華山下柯秀才家

蒼峯抱層嶂翠瀑繞雙溪
下有幽人宅蘿深客到迷
夜宿無相寺

春宵卧無相月照五溪花
掬水洗雙眼披雲看九華
巖頭金佛國樹杪謫仙家
彷彿聞笙鶴青天落絳霞

題四老圍棋圖

世外煙霞亦許時
至今風致後人思
却懷劉項當年
事不及山中一着棋

無相寺三首

老僧巖下屋繞屋皆松竹
朝聞春鳥啼夜伴巖虎宿
其二

其三

坐望九華碧浮雲生曉寒
山靈應秘惜不許俗人看
靜夜聞林雨山靈似欲留
只愁梯石滑不得到峯頭
化城寺六首

化城高住萬山深樓閣憑空上
界侵天外清秋度明月
人間細雨結浮陰鉢龍降處雲
生座巖虎歸時風滿林
最愛山僧能好事夜堂燈火伴孤吟

其二

雲裏軒窓半上鉤，望中千里見江流。
高林日出三更曉，幽谷風多六月秋。
仙骨自懷何日化，塵緣翻覺此生浮。
夜深忽起蓬萊興，飛上青天十二樓。

其三

雲端鼓角落星斗，松頂袈裟散雨花。
一百六峯開碧漢，八十四梯踏紫霞。
山空仙骨葬金榔，春暖石芝抽玉芽。
獨揮談麈拂煙霧，一笑天地真無涯。

其四

化城天上寺石磴，入星躔雲外開。
丹井峯頭耕石田。

其五

月明猿聽偈風靜，鶴參禪。今日揩雙眼，幽懷二十年。

僧屋煙霏外，山深絕世譁。
茶分龍井水，飯帶石田砂。
香細雲嵐雜，窓高峰影遮。
林棲無一事，終日弄丹霞。

其六

突兀開穹閣，氤氳散曉鍾。
飯遺黃稻粒，花發五釵松。
金骨藏靈塔，神光照遠峯。
微茫竟何是，老衲話遺踪。

李白祠二首

千古人豪去，空山尚有祠。
竹深荒舊徑，蘚合失殘碑。
雲雨羅文藻，溪泉擊夢思。
老僧殊未解，猶自索題詩。

其二

謫僊棲隱地千載尚高風雲散九峯雨巖飛百丈虹
寺僧傳舊事詞客吊遺踪回首蒼茫外青山感慨中

雙峰

凌崖望雙峰蒼茫竟何在載拜四北風爲我掃浮靄

蓮花峰

夜靜涼颼發輕雲散碧空玉鈎掛新月露出青芙蓉

列仙峰

靈峭九萬丈參差生曉寒僊人扣我去揮手青雲端

雲門峰

雲門出孤月秋色坐蒼溟夜久群籟絕獨照宮錦袍

芙蓉閣

青山意不盡還向月中看明日歸城市風塵又馬鞍

其二

巖下雲萬重洞口桃千樹終歲無人來惟許山僧住

書梅竹小畫

寒倚春霄蒼玉杖九華峰頂獨歸來柯家草亭深雪
裏却有梅花傍竹開

山東詩六首

弘治甲子年起復
主試山東時作

登泰山五首

曉登泰山道行入烟霏陽光散巖壑秋容淡相揮
雲梯掛青壁仰仰蛛絲微長風吹海色飄飄送天衣
峰頂動笙樂青童兩相依振衣將往從凌雲忽高飛
揮手若相待丹霞樹餘暉凡軀無健羽悵望未能歸

二

天門何崔嵬下見青雲浮泱泱絕人世迥豁高天秋
暝色從地起夜宿天上樓天鷄鳴半夜日出東海頭
隱約蓬壺樹縹緲扶桑洲浩歌落青真遺響入滄流
唐虞變楚漢滅沒如風漚藐矣鶴山僊秦皇豈堪求
金砂費日月頽頽竟難留吾意在龐古冷然馭涼颼

相期廣成子太虛顯遨遊枯槁向巖谷黃綺不足儔

三

窮厓不可極飛步凌煙虹危泉瀉石道空影垂雲松
千峯互攢簇掩映青芙蓉高嘉倚巉削傾側臨崆峒
失足墮煙霧碎骨顛厓中下出竟難曉摧折紛相從
吾方坐日觀披雲笑天風赤木問軒后蒼梧教重瞳
隱隱落天語閭闔開玲瓏去事勿復道濁世將焉窮

四

塵網苦羈縻富貴真露草不如騎白鹿東遊入蓬島
朝登太山望洪濤隔縹緲陽輝出海雲來作天門曉

遙見碧霞君翩翩起員嶠玉女紫鸞笙雙吹入晴昊
舉首望不及下拜風浩浩擲我玉虛篇讀之殊未了
傍有長眉翁一一能指道從此煉金砂人間跡如掃

五

我才不救時匡扶志空大置我有無間緩急非所賴
孤坐萬峯巔哈然遺下塊已矣復何求至精諒斯在
澹泊匪虛杳灑脫無芥蒂世人聞予言不笑即吁恠
吾亦不強語惟復笑相待魯叟不可作此意聊自快

泰山高次王內翰司獻韻

歐生誠楚人但識廬山高廬山之高猶可計尋丈若

夫泰山仰視恍惚吾不知其尚在青天之下乎其已
直出青天上我欲倣擬試作泰山高但見丘垤之見
未能測識高大筆底難具狀扶輿磅薄元氣鍾突兀
半遮天地東南衡北恒西有華俯視偃僂誰爭雄人
寰茫昧乍隱見雷雨初解開鴻濛繡壁丹梯煙霏靄
靄海日初湧照耀蒼翠平麓遠抱滄海灣日觀正與
扶桑對聽濤聲之下瀉知百川之東會天門石扇豁
然中開幽崖邃谷巖積隱埋中有遯世之流龜潛雌
伏殫霞吸秀於其間徃徃恠譎多僊才上有百丈之
飛湍懸空絡石穿雲而直下其源疑自青天來巖頭

膚寸出煙霞，湏臾滂沱遍。九垓古來登，封七十二主。
後來相效紛紛如，雨玉檢金函，無不爲只今埋沒如。
何許但見白雲猶復起，封中斷碑無字天外日日磨。
剛風飛塵過眼倏超忽，飄蕩豈復留其踪。天空翠華
遠，落日辭千峯。魯郊獲麟岐陽會，鳳明堂旣毀，闕宮
興頌宣尼曳杖逍遙一去不復來。幽泉鳴咽而含悲，
群巒拱揖如相送。俯仰宇宙千載相望，墮山喬嶽尚
被其光峻極配天無敢頡頏。嗟予瞻眺門墻外，何能
彷彿窺室堂也。來攀附躡遺跡三千之下，不知亦許
再拜古末行吁嗟乎泰山之高其高不可極，半壁回

此點不覺已在東斗傍

京師詩八首

弘治乙丑年改除
兵部主事時作

憶龍泉山

我愛龍泉寺，寺僧頗踈野。盡日坐井欄，有時卧松下。
一夕別山雲，三年走車馬。媿殺巖下泉，朝夕自清瀉。

憶諸弟

又別龍山雲，時夢龍山雨。覺來枕簟涼，諸弟在何許。
終年走風塵，何似山中住。百歲如轉蓬，拂衣從此去。

寄舅

老舅近何如，心性老不改。世故惱情懷，光陰不相待。

借問同輩中鄉隣幾人在從今且爲樂清事無勞悔
送人東歸

五洩佳山水平生思一遊送子東歸省尊鱸况復秋
幽探須及壯世事苦悠悠來歲春風裏長安憶故丘
寄西湖友

予有西湖惡西湖亦惡予三年成濶別近事竟何如
况有諸賢在他時終卜廬但恐吾歸日君還軒冕拘

贈陽伯

陽伯即伯陽伯陽竟安在大道即人心萬古未嘗改
要在求仁金丹非外待繆矣三十年于今吾始悔

故山

鑑水終年碧雲山盡日閑故山不可到幽夢每相關
霧豹言長隱雲龍欲共攀緣知丹壑意未勝紫宸班
憶鑑湖友

長見人來說扁舟每獨遊春風梅市晚月色鑑湖秋
空有煙霞好猶爲塵世留自今當勇往先與報江鷗
獄中詩十四首

正德丙寅年十二月以
上疏忤逆瑾下錦衣獄作

不寐

天寒歲暮水雲關河迫幽室翹翹生不寐知夜永
驚風起林木驟若波浪淘我心良匪石鉅爲戚欣動

滔滔眼前事逝者去相踵厓窮猶可陟水深猶可泳
焉知非日月胡爲亂予衷深谷自透迤煙霞日瀕洞
三時在賢造歸哉盍耕壠

有室七章

有室如簷周之崇墉室如穴處無秋無冬
耿彼屋漏天光入之瞻彼日月何嗟及之
倏晦倏明淒其以風倏雨倏雪當晝而蒙
夜何其矣靡星靡粲豈無白日寤寐永嘆
心之憂矣匪家匪室或其啓矣殞予匪恤
風氣其埃日之光矣淵淵其鼓朝旣日白矣

朝旣式矣日旣夕矣悠悠我思曷其極矣

讀易

囚居亦何事省愆懼安飽瞑坐玩義易洗心見微奧
乃知先天翁畫畫有至教包蒙戒爲寇童牯事宜早
蹇蹇匪爲節虢虢未違道遯四獲我心蠱上庸自保
俛仰天地間觸目俱浩浩簞瓢有餘樂此意良匪矯
幽哉陽明麓可以忘吾老

歲暮

兀坐經旬成木石忽驚歲暮還思鄉高簷白日不到
地深夜點鼠時登床峯頭霽雪開草閣瀑下古松閒

石房溪鶴洞猿爾無恙春江歸棹吾相將

見月

屋罅見明月還見地上霜客子夜中起旁皇涕沾裳
匪爲嚴霜苦悲此明月月光如流水徘徊照高堂
胡爲此幽室奄忽踰飛揚逝者不可及來者猶可望
盈虛有天運嘆息何能忘

天涯

天涯歲暮水霜結未巷人稀凶象遊長夜星辰瞻閣
道曉天鐘鼓隔雲樓思家有淚仍多病報主無能合
遠投留得昇平雙眼在且應簑笠卧滄洲

屋罅月

幽室不知年夜長晝苦短但見屋罅月清光自虧滿
佳人宴清夜繁絲激哀管朱閣出浮雲高歌正凄婉
寧知幽室婦中夜獨愁嘆良人事遊俠經歲去不反
來歸在何時年華忽將晚蕭條念宗祀淚下長如霰

別友獄中

居常念朋舊薄領成濶絕嗟我二三友胡然此簪盍
累累囹圄間誦誦未能輟桎梏敢忘罪至道良足悅
所恨精誠眇尚口徒自歎天王本明聖旋已但中
熱行藏未可期明當與君別願言毋詭隨努力從前

哲

赴謫詩五十五首

正德丁卯年赴謫
貴陽龍場驛作

答汪抑之三首

去國心已恫別子意彌惻伊邇怨斯夕况茲萬里隔
戀戀岐路間執手何能默子有昆弟居而我遠親側
回思菽水懽羨子何由得知子念我深夙夜敢忘惕
良心忠信資蠻貊非我戚

北風春尚號浮雲正南馳風雲一相失各在天一涯
客子懷往路起視明星稀驅車赴長阪迢迢入嵐霏
旅宿蒼峽底霧雨昏朝彌間關不足道嗟此白日微

切磋懷良友願言毋心違

聞子賦茆屋來歸在何年索居間楚越連峯鬱參天
緬懷巖中隱磴道窮扳緣江雲動蒼壁山月流澄川
朝採石上芝暮漱松間泉鷺湖有前約鹿洞多遺編
寄子春鴻書待我秋江船

陽明子之南也其友湛元明歌九章以贈崔子
鍾和之以五詩於是陽明子作八詠以答之

君莫歌九章歌之傷我心微言破寥寂重以離別吟
別離悲尚淺言微感逾深瓦缶易諧俗誰辯黃鐘音

其二

君莫歌五詩歌之增離憂豈無良朋侶洵樂相遨遊
譬彼桃與李不爲倉困謀君莫忘五詩忘之我焉求
其三
洙泗流浸微伊洛僅如綫後來三四公瑕瑜未相掩
嗟予不量力跋蹙期致遠屢興還屢仆喘息幾不免
道逢同心人秉節倡予敢力爭毫厘間萬里或可勉
風波忽相失言之淚徒泣

其四

此心還此理寧論已與人千古一嘘吸誰爲嘆離群
浩浩天地內何物非同春相思輒奮勵無爲俗所分
但使心無間萬里如相親不見宴遊交微逐胥以淪

其五

器道不可離二之即非性孔聖欲無言下學從泛應
君子勤小物蘊蓄乃成行我誦窮索篇於子旣聞命
如何園中士空谷以爲靜

其六

靜虛匪虛寂中有未發中中有亦何有無之即成空
無欲見真體忘助皆非功至哉玄化機非子孰與窮
其七

憶與美人別贈我青琅函受之不敢發焚香始開械

諷誦意彌遠期我濂洛間道遠恐莫致庶幾終不慚
其八

憶與美人別惠我雲錦裳錦裳不足貴遺我冰雪腸
寸腸亦何遺誓言終不渝玆重美人意深秋以爲期

南遊三首

元明與予有衡嶽羅浮之期賦南遊以申約
也

南遊何迢迢蒼山亦南馳如何衡陽鴈不見燕臺書
莫歌澧浦曲莫吊湘君祠蒼梧煙雨絕從誰問九疑

其二

九疑不可問羅浮如可攀遙拜羅浮雲真以雙瓊環

渺渺洞庭波東逝何時還人生不努力草木同衰殘

其三

洞庭何渺茫衡嶽何崔嵬風飄迴鴈雪美人歸未歸
我有紫瑜珮留掛芙蓉臺下有蛟龍峽往往興雲雷

憶昔答喬白巖因寄儲柴墟三首

憶昔與君約玩易探玄微君行赴西嶽經年始來歸
方將事窮索忽復當遠辭相去萬里餘後會安可期
問我長生訣惑也吾誰欺盈虧消息間至哉天地機
聖狂天淵隔失得分毫厘

其二

毫厘何所辯惟在公與私公私何所辯天動與人爲
遺體豈不貴踐形乃無虧願君崇德性問學刊支離
毋爲氣所役毋爲物所疑恬澹自無欲精專絕交馳
博奕亦何事好之甘若飴吟咏有性情喪志非所宜
非君愛忠告斯語容見嗤試問柴墟子吾言亦何如

其三

柴墟吾所愛春陽溢鬚眉白巖吾所愛慎默長如愚
二君廊廟器予亦山泉姿度量較齒德長者皆吾師
置我五人末庶亦忘崇卑迢迢萬里別心事兩不疑

北風送南鴈慰我長相思

一日懷抑之也抑之之贈旣嘗答以三詩意若有
歉焉是以賦也

一日復一日去子日以遠惠我金石言沉鬱未能展
人生各有際道誼尤所眷嘗嗤兒女悲憂來仍不免
緬懷滄州期聊以慰遲晚

其二

遲晚不足嘆人命各有常相去忽萬里河山鬱蒼蒼
中夜不能寐起視江月光中情良自抑美人難自忘

其三

美人隔江水彷彿 可觀風吹蒹葭雪飄蕩知何處
美人有瑤瑟清奏含太古高樓明月夜惆悵爲誰鼓
夢與抑之 昆季語湛崔皆在焉覺而有感因紀
以詩三首
夢與故人語語我以相思才爲旬日別宛若三秋期
令弟坐我側屈指如有爲湏臾湛君至崔子行相隨
肴醕旋羅列語笑如平時縱言及微奧會意忘其辭
覺來復何有起坐空嗟咨

其二

起坐憶所夢默遡猶歷歷初談自有形繼論入無極
無極生往來往來萬化出萬化無停機往來何時自
來者胡爲信往者胡爲屈微哉屈信子非子盡精微此理誰與測何當衡廬間相携玩羲易

其三

衡廬曾有子相携尚無時去事多翻覆來踪豈前知
斜月滿虛牖樹影何參差林風正蕭瑟驚鵲無寧枝
邈彼二三子怒焉勞我思

因雨和杜韻

晚堂踈雨暗柴門忽入殘荷瀉石盆萬里滄江生白
髮幾人燈火坐黃昏客途最覺秋先到荒徑惟憐菊

尚存却憶故園耕釣處短策長筇下江村

赴謫次北新關喜見諸弟

扁舟風雨泊江關兄弟相看夢寐間
二分天涯成死別寧知意外得生還
投荒自識君恩遠多病心便吏
事閒携汝耕樵應有日好移茅屋傍雲山

南屏

溪風漠漠南屏路春服初成病眼開
花竹日新僧已老湖山如舊我重來
層樓雨急青林迥古殿雲晴碧嶂迴
獨有幽禽解相信雙飛時下讀書臺

卧病靜慈寫懷

卧病空山春復夏山中幽事最能知
雨晴階下泉聲急夜靜松間月色遲
把卷有時眠白石解纓隨意濯清漪
吳山越嶠俱堪老正奈燕雲繫遠思

移居勝果寺二首

江上但知山色好峰迴始見寺門開
半空虛閣有雲住六月深松無暑來
病肺正思移枕簟洗心兼得遠塵埃
富春咫尺烟濤外時倚層霞望釣臺

病餘巖閣坐朝曛異景相新得未聞日脚倒明千頃
霧雨聲高向度萬峯雲越山障六當吳嶠江月隨潮上
海門更欲携書從此老不教猿鶴更移文

憶別

憶別江干風雪陰艱難歲月兩侵尋重看骨肉情何
限況復斯文約舊深賢聖可期先立志塵凡未脫謾
言心移家便住烟霞壑綠水青山長對吟

泛海

險夷原不滯胷中何異浮雲過太空夜靜海濤三萬
里月明飛錫下天風

武夷次壁間韻

肩輿飛度萬峯雲回首滄波月下聞海上真爲滄水
使山中又遇武夷君溪流九曲初諳路精舍三年始
及門歸去高堂慰垂白細探更擬在春分

草萍驛次林見素韻奉寄

山行風雪瘦能當會喜江花照野航本與宦途成懶
散頗因詩景受閑忙鄉心草色春同遠客髮松梢晚
更蒼料得烟霞終有分未須連夜夢溪堂

玉山東嶽廟遇舊識嚴星士

憶昨東歸亭下路數峯簫管隔秋雲肩輿欲到妨多
事鼓柁重來會有云春夜絕憐燈節近溪聲寂好月
中聞行藏無用君平卜請看沙邊鷗鷺群

廣信元夕蔣太守舟中夜話

樓臺燈火小西窗。薰鼓星橋渡碧空。何處忽談塵世外。百年惟此月明中。客途孤寂渾常事。畏地相求見古風。別後新詩如不惜。衡南今亦有飛鴻。

夜泊石亭寺用韻呈陳婁諸公因寄儲柴墟都憲及喬白巖太常諸友

廿年不到石亭寺。惟有西山只舊青。白拂掛墻僧已去。紅闌照水客重經。沙村遠樹凝春望。江雨孤篷入夜聽。何處故人還笑語。東風啼鳥夢初醒。

悵望沙頭成久坐。江洲春樹何青青。烟霞故國虛夢想。風雨客途真慣經。白壁屢投終自信。朱絃一絕好誰聽。扁舟心事滄浪舊。從與漁人笑獨醒。

過分宜望鈴岡廟

共傳峰頂樹古廟有靈神。楚俗多尊鬼。巫言解惑人。望裡存舊典。捍禦及斯民。世事渾如此。題詩感慨新。

雜詩三首

危棧斷我前。猛虎尾我後。倒崖落我左。絕壑臨我右。我足復荆榛。雨雪更紛驟。邈然思古人。無悶即自有。無悶雖足珍。警惕忘爾守。君觀真宰意。匪薄亦良厚。

其二

青山清我目。流水靜我耳。琴瑟在我御。經書滿我几。

措足踐坦道悅心有妙理頑冥非所懲賢達何靡靡
乾乾懷往訓敢忘惜分畧愆哉天地內不知老將至

其三

羊腸亦坦道太虛何陰晴燈窻玩古易欣然獲我情
起舞還再拜聖訓垂明明拜舞詎踰節頓忘樂所形
歛衽復端坐玄思窺沉溟寒根固生意息灰抱陽精
冲漠際無極列宿羅青冥夜深向晦息始聞風雨聲

袁州府宜春臺四絕

宜春臺上還春望山水南來眼未嘗却笑韓公亦多
事更從南浦羨滕王

臺名何事只宜春山色無時不可人不用煙花費粧
點儘教刊落儘嶙峋

特修江藻拜祠前正是春風欲暮天童冠儘多歸誅
興城南兼說有溫泉

古廟香燈幾許年增修還費大官錢至今楚地多風
雨猶道山神駕鐵船

夜宿宣風館

山石崎嶇古轍痕沙溪馬渡水猶渾夕陽歸鳥接深
麓烟火行人望遠村天際浮雲生白髮林間孤月坐
黃昏越南薰北俱千里正恐春愁入夢魂

萍鄉道中謁濂溪祠

木偶相沿恐未真清輝亦復凜衣巾簿書曾屑乘田
吏俎豆猶存畏壘民碧水蒼山俱過化光風霽月自
傳神千年私淑心喪後下拜春祠薦渚蘋

宿萍鄉武雲觀

曉行山徑樹高低雨後春泥沒馬蹄翠色絕雲開遠
嶂寒聲隔竹隱晴溪已聞南去艱舟楫漫憶東歸沮
杖藜夜宿仙家見明月清光還似鑑湖西

醴陵道中風雨夜宿泗洲寺次韻

風雨偏從險道當深泥沒馬陷車箱虛傳鳥路通巴

蜀豈必羊腸在太行遠渡漸看連曠色晚霞會喜見
朝陽水南昏黑投僧寺還理義編坐夜長

長沙答周生

旅倦憇江觀病齒廢談誦之子特相求禮殫意彌重
自言絕學餘有志莫與共手持一編書披歷見肝衷
近希小范踪遠爲賈生慟兵符及射藝方技靡不綜
我方懲創後見之色亦動子誠仁者心所言亦屢中
願子且求志蘊蓄事涵泳孔聖固遑遑與點樂歸詠
回也王佐才閉戶避隣閭知子信美才大構中梁棟
未當匠石求滋植務培壅愧子勤繆意何以相規諷

養心在寡欲操存舍即縱嶽麓何森森遺址自南宋
江山足游息賢迹尚堪踵何當謝病來士氣多沉勇
涉湘干邁嶽麓是遵仰止先哲因懷友生麗澤
興感伐木寄言二首

客行長沙道山川鬱稠繆西探指嶽麓凌晨渡湘流
踰岡復陟巘吊古還尋幽林壑有餘采普賢此藏修
我來寔仰止匪伊事盤遊衡雲開曉望洞野浮春洲
懷我二三友伐木增離憂何當此來聚道誼日相求

其二

林間憇白石好風亦時來春陽熙百物欣然得予懷

行思兩夫子此地得徘徊當年靡童冠曠代登堂階
高情詎今昔物色遺吾儕顧謂二三子取瑟爲我諧
我彈爾爲歌爾舞我與偕吾道有至樂富貴真浮埃
若時乘大化勿愧點與回陟岡採松柏將以遺所思
勿採松柏枝兩賢昔所依緣峰踐臺石將以望所期
勿踐臺上石兩賢昔所躋兩賢去邈矣我友何相違
吾斯未能信役役空爾疲胡不此簪盍麗澤相邀嬉
渴飲松下泉飢殮石上芝假仰絕餘念遷客難久稽
洞庭春浪濶浮雲隔九疑江洲滿芳草目極令人悲
已矣從此去奚必茲山爲戀繫乃從欲安土惟隨時

晚聞冀有得此外吾何知

遊嶽麓書事

醴陵西來涉湘水信宿江城沮風雨不獨病齒畏風
濕泥潦侵途絕行旅人言嶽麓最形勝隔水溟濛隱
雲霧趙侯需晴邀我遊故人徐陳各傳語周生好事
屢來速森森雨脚何由住曉來陰翳稍披拂便携周
生涉江去戒令休遣府中知徒爾勞人更妨務橘洲
僧寺浮江流鳴鐘出延立沙際停橈一至答其情三
洲連綿亦往處行雲散漫浮日色是時峯巒益開霽
亂流蕩漿濟倏忽繫檝江邊老檀樹岸行里許入麓

口周生道予勤指顧柳蹊梅堤存彷彿道村林壑獨
如故赤沙想像虛田中西嶼傾頽今冢墓道鄉荒址
留突兀赫曦遠望石如鼓殿堂釋菜禮從宜下拜朱
張息游地鑿石開山面勢改雙峯闕闕見江渚聞是
吳君所規畫此舉良是及遭忌九仞誰虧一簣功嘆
息遺基獨延佇浮屠觀閣摩青霄盤據名區遍寰宇
其徒素爲儒所擯以此方之反多愧愛禮思存告朔
羊况此實作匪文具人云趙侯意頗深隱忍調停旋
修舉昨來風雨破棟脊方遣圻人補殘敝予聞此語
心稍慰野人蔬蕨亦羅置欣然一酌才舉盃津夫走

報郡侯至此行隱跡何由聞遣騎候訪自吾寓潛來
鄙意正爲此倉率行庖益勞費整冠出迓見兩蓋乃
知王君亦同御肴羞層疊絲竹繁避席興辭懇莫拒
多儀劣薄非所承樂闋觴周日將暮黃堂吏散君請
先病夫沾醉須少憇入舟瞋色漸微茫却喜順流還
易渡嚴城燈火人已稀小巷曲折忘歸路僊宮酣倦
成熟寐曉聞簷聲復如注昨遊偶遂寔天假信知行
樂皆有數涉躡差償夙好心尚有名山敢多慕齒角
虧盈分則然行李雖淹吾不惡

次韻答趙太守王推官

詰朝事虔竭玄居宿齋沐積霖喜新霽風日散清燠
蘭撓渡芳渚半涉見水陸溪山儼新宇雷雨荒大麓
皇皇絃誦區斯文昔炳郁興廢尚屯疑使我懷悱懊
近聞牧守賢經營亟乘屋方舟爲予來飛蓋遙肅肅
花絮媚晚筵韶景正柔淑浴沂諒同情及茲授春服
令德倡高祠混珠愧魚目努力崇修名迂踈自巖谷
天心湖沮泊旣濟書事

掛席下長沙瞬息百餘里舟人共揚眉予獨憂其駛
日暮入沅江抵石舟果圯補敝詰朝發衝風遂齟齬
暝泊後江湖蕭條旁層壘月黑波濤驚蛟鼉互睥睨

翌午風益厲、狼狽收斷流、人心數里間、三日但遙指、
甚雨迅雷電、作勢殊未已、溟溟雲霧中、四望渺涯涘、
篙漿不得施、丁夫盡嗟謫、淋漓念同胞、吾寧忍暴使、
饘粥且傾橐、苦甘吾與爾、衆意在必濟、糧絕亦均死、
憑陵向高浪、吾亦詎容止、虎怒安可撓、志同稍足倚、
且令並岸行、試涉湖濱沚、收舵幸無事、風雨亦浸弛、
逡巡緣沚湄、迤邐就風勢、新漲翼回湍、倏忽逝如矢、
夜入武陽江、漁村穩堪艤、糴市謀晚炊、且爲衆人喜、
江醪信漓濁、聊復盪胸滓、濟險在需時、徼倖豈常理、
爾輩勿輕生、偶然非可恃、陽明先生文錄卷之十一

陽明先生文錄卷之十一

居夷詩一百一十一首

去婦嘆五首

楚人有間於新娶而去其婦者、其婦無所歸、
去之山間、獨居懷綵、不忘終、無他適、予聞其
事而悲之、爲作去婦嘆

委身奉箕箒、中道成棄捐、蒼蠅間白璧、君心亦何愆、
獨嗟貧家女、素質難爲妍、命薄良自喟、敢忘君子賢、
春華不再艷、頽魄無重圓、新歡莫終恃、令儀慎周還、

其二